

1593





Ex Bibliotheca  
majori Coll. Rom.  
Societ. Jesu

8.3.28

58  
28

58  
32

5.20 D.10

Francis Robert de Ingelby







DE  
SANCTORVM  
APOSTOLORVM

Coll. Rev.

212  
soc: Jes- Cal. iare.

PETRI, ET PAVLI

Ex lyano

IMAGINIBVS,

and by Tolson.


A D

S. D. N. GREGORIVM XIII.

PONT. OPT. MAX.

Libellus.

AVCTORE FRANCISCO MUCANTIO I. C.  
Romano, Cerimoniarum Magistro.



R O M Æ, Apud Hæredes Antonij Bladij Impressores  
Camerales. M. D. LXXIII.

DE  
SANTO  
APOSTOLO  
PETRI ET PAULI  
IMAGINIBUS

AD  
S. D. N. GREGORIVM XIII.  
PONT. OPT. MAX.

Libellus.

EXCELSOR PRINCIPIS MONTIS R. C.  
Romano, Civitatis et Archidiaconi.



ROMA, Apud Hieronymum et alios Libros Impresores  
Candidatus. M. D. LXXII.



SANCTISS. D. N.

GREGORIO XIII.

PONT. OPT. MAX.

FRANCISCVS MYCANTIVS I. C.

Romanus, Cerimoniarum Magister,

Perpetuam Felicitatem.



*V* M mibi impositum esset onus P. B. perscrutandi si qua inter sacros ritus, apostolicasq. cerimonias, emendatione, animadversioneq. digna viderentur, quaestio illa inter multas, sese mibi obtulit iam dudum agitata, sed nondum plenè declarata: vtra ex imaginibus beatorum apostolorum Petri, & Pauli, alteri esset ritè anteponenda: promiscuum enim, & varium in picturis, marmoribus & monetis, pro diuersitate temporum, & locorum eius rei vsum videram: constantissimè tamen, à prisca vetustate, ad haec vsq. tempora vsurpatum, tum in plurimibz apostolicarum litterarum sigillis, tum in Pontificio sacello, vt Pauli imago ad dexteram Petri colloectur. Quare non sine magna id ratione factum, ac per tot annorum circula, à tot Romanis Pontificibus admissum, comprobatumq. esse statuens: indicabam satius esse, quaestionem ipsam silentio praeterire, quam disputationum circuitionibus imbecilliorum mentibus scrupulum incurrere. Verùm quia nuperrimè, quidam de ea re commentariolum promulgarunt, in quo, licet veram propositionem tuendam suscepimus, illam tamen (pace eorum dixerim) non ita fortasse planè, ac dilucidè explicarunt, vt eorum animi, qui sacrarum litterarum cognitione non omnino imbuti sunt, penitus acquiescere possint. Idcirco congestis in vnum pluribus, firmiteribzq. autoritatibus, & rationibus, quas parim ex viris eruditissimi G. Cardinalis Sireleti sermonibus, parim verò ex diuersis probatissimorum scriptorum monumentis decerpseram, pro virili conatus sum eius mysterij arcana aliquantò clarius, demon-  
A ij strare.


*Arare. Quamvis autem initio tactus ea praetermittere decuisssem: ta-  
men quando huiusmodi iam quaestio in vulgus prodijt, expedire visum est,  
eam paulò distinctius, atq. apertius declarare; ne ab his, qui sacra haec  
mysteria contemplantur, & colunt, de ea dubitari amplius contingat. Ea  
autem Sanctitatis tuae integerrimo iudicio, excellentiq. prudentiae, ac do-  
ctrinae, quibus humana omnia subesse debent, prius subicere volui; non  
ante in alienas manus proditura, quàm ab ipsa Sanctitate tua, robur, &  
firmitatem acceperint. Quaiquid illa erunt R. B. supplex Sanctitatem  
tuam oro, ut ea, tamquam tui beneficiarij (cui exercendarum sacrarum ce-  
rimoniarum munus, paulò ante non minus benigne, quam benefice contuli-  
sti) grati annuindicia, primitiasq. in eo studij genere aequi boniq. consu-  
at. Vale.*



**T H O M A E C O R R E A E**  
**I N S E Q U E N S O P U S C U L U M D E I M A G I N I B U S**  
**B E A T O R U M P E T R I , E T P A V L I**

**A R G V M E N T V M .**

Bissenos inter procures duo lumina, per quos  
Roma potens magni sustinet orbis onus.  
Sen dextra, laetaq. sedent, par gloria utriq.  
Par honor, & laus est, stat bene quisq. loco ?



DE SANCTORVM

APOSTOLORVM

PETRI, ET PAVLI

IMAGINIBVS,

AD GREGORIVM XIII.

PONT. OPT. MAX.



VI contra antiquissimum ritum collo-  
candi imaginem beati Pauli aposto-  
li, ad dextrum Petri apostolorū prin-  
cipis latus disputant, his sermè ratio-  
nibus moueri solent. Nempè in eccle-  
sia militanti ad exemplum triumphā-  
tis, ordinem esse adhibendum, vt scilicet pro cuiusq.  
officio, & dignitate alius alio superior sit, praestantio-  
remq. gradum obtineat. Constat autem dexteram par-  
tem in honore semper habitam esse, perq. eam, tum iu-  
risdictionem potestatem, & fortitudinem; tum etiam  
potiora bona, idest gloriam, felicitatem, beatitudinē,  
aeternitatemq. designari. Nam, & ab ipso serè mundi  
exordio, cum sacerdotium primigenio esset annexum,  
id fuisse in vsu videtur, vt ipsi primogeniti, praeter alias  
honoris praerogatiuas, digniorem locum apud patrē,  
hoc est ad eius dexteram haberent. Et post Christi ad-  
uentum per duos latrones hinc inde à lateribus crucis  
Domini,

*Rationes cur Po-  
trus praeferen-  
dos.  
Distin. 89. c. 8.  
Turrecre. lib. 2.  
de ecclesia c. 1.*

*Glo. penult. in l.  
decernimus. C.  
de sacro. eccl. libi  
Bald.  
The. super epist.  
ad Hebr. c. 8.  
Can. 21. 9. 9. 3.  
Augusti. super  
genf. loqua. 80  
et super humbe.  
serm. 2.*

*Genf. 48. in f.  
glo. f. c. quam  
periculosum. 7.  
9. 1.*

Marc. 15. Luc.  
23.

Nath. 25.

I. RATIO  
à dignitate Petri

Turrecre. lib. 2.  
de eccle. cap. 6.  
Innoc. Papa iij.  
lib. pri. de my-  
ste. misae ca. 8.

Distin. 21. c. in  
nouo. distin. 22.  
o. sacrosancta.

q. 1. in 1. 1. 1.

Ele. in c. quoru  
dam verbo pra-  
di. auctum de ele  
11. in 6. ibi do-  
cto.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

1. 1. 1. 1. 1.

Domini, patibulo affixos significatum fuit. Et in ipso mundi exitu idem obseruandum fore certum est, cum filius hominis in suae maiestatis throno sedens, quos ab haecis segregabit, illas quidem in dextera, hos vero in laeua statione collocans. Quare cum sublimior inter mortales potestas; principatus apostolorum, & Ecclesiae gubernatio vni Petro, quasi primogenito, eaq. triplici tempore, & ante passionem, & circa passionem, & post passionem, Christi Dei ore commissae fuerint: cumq. ipsimet apostoli eundem principem, & Ecclesiae vniuersalem pastorem agnouerint, & confessi sint (ut Anacletus papa ait) Ad haec Sancti Euangelistae apostolorum seriem recensentes ipsum Petrum sine contro- uersia ceteris anteponant; sitq. argumentum non inefficax praelationis scripturae ordo: nulli dubium esse potest, tum ex his, tum ex quam plurimis alijs, quae consultò omittuntur auctoritatibus, Petrum, & princi- patu, & dignitate ceteris omnibus anteire: quàmuis aliqui, vel meritis, vel sapientia, vel alia de causa illi pa- res, aut aliquando superiores habiti sint: quòd si pri- mus, & dignior, postulare ordo videtur, ut & nos illi prae ceteris apostolis veneremur, ipsiusq. imagini prae- cipuum loci statuamus. Etenim D. Augustinus, dum Cyprianum, quantum ad martyrij gloriam Petrum aequiparasse refert, mox statim subdit. Ceterum magis vereri de heo, ne in Petrum contumeliosè exultā, quis enim nescit illū apostolatus principatu cuilibet episco- patui praefere dum? Quod ex eo quoq. clare compro- batur,

II. RATIO

hatur, quod catholica Ecclesia instituit, ut quauis vno,  
eodemq. die beatorum apostolorum Petri, & Pauli so-  
lemnita concurrant, prius tamen Petri officium eo ipso  
die, mox altero sequenti de Paulo celebretur: tū quia  
Petrus conuersione prior; tum quia dignitate, & gra-  
dus excellentia maior: quippe cum Ecclesiae primatū  
gesserit. Quod fuisse D. Gregorij institutum antiqui  
auctores Ioannes Beletus, & Guillelmus Durātes scri-  
pserunt. Et ne plura congerantur nonne (inquiunt)  
ipsemet Paulus prius Petro derulit, societatis dexte-  
ram cum eo iungens, atq. euangelij praedicationem  
conferens, quasi consensum, & approbationem ab eo  
requirens? ex eo enim, ut D. Hieronymus ait, ostendi-  
tur Paulum non habuisse securitatem euangelij prae-  
dicandi, nisi Petri, & eorum, qui cum eo erant fuisset  
sententia robōratum: rursus cum in exitum Simonis  
magi ambo conuersi essent, Paulusq. erga Petrum di-  
ceret: meum est orare, tuum imperare, nonne manife-  
stissimè, ut Gregorius testatur, eum sibi his verbis supe-  
riorem declarauit? Nec vero traditioni huic, quae ab  
ipso summo rerum opifice, sanctisq. apostolis mana-  
uit, vllam quamlibet antiquissimam traditionem, aut  
consuetudinem aduersari posse cōsentaneum videtur:  
vnde multis in locis à diuersis pontificibus vsu receptū  
est, ut Petri quidem effigiem in dextra, Pauli vero in  
laeva parte poni curarent. Quod in primis, ex anti-  
quissima tabula Constantini Imperatoris (ut aiunt) tē-  
pore depicta, quam ipsius D. Petri Basilicae canonici,  
etiam

In rationali di-  
ni. off. Beletus  
cap. 138 Du-  
ran. lib. 7. c. 15.  
III. RATIO.  
Ad Gal. 2.

Glo. si in e. fin.  
d. fl. 11. ibi An-  
cha. & Turre-  
crem.  
Hieron. Epist. ad  
Augustin. xxij.

Eggsip. lib. 3. de  
excid. Hierosol.  
Chren. Antioch.  
tit. 6. cap. 4.  
§. 2.

# 4 DIE IMAGINIBVS

etiam nunc diligentissime custodiunt perspicuum fit:  
Idemq. & hodie ex opere vermiculato Nicolai Papae  
iiij. aetate fabrefacto in abside Lateranensis Ecclesiae  
inspicere licet: ac deinceps Bonifacius viij. Nicolaus  
v. Pius ij. Sixtus iiij. & alij Rom. Pontifices diuersis in  
locis idem obseruarunt; nostraq. tempestate in mone  
tis, siue argenteis denarijs Apostolorum capita eodē  
ordine inprimi videmus: atq. id etiam Paris Crassus  
olim Pifsaurensis Episcopus, & cerimoniarum prae  
fectus, quam plurimis alijs adductis rationibus com  
probauit: Ceterum altius causam peruetusti illius  
ritus, vt Paulus in dextro fingatur latere, inuestiganti  
bus, pulcherrima in eius defensionem argumenta oc  
curreunt: liquido enim apparet, talem vsum non tēte  
rē, aut fortuitō irrepsisse; quinimmo ad explicanda  
praecipua quaedā, ac singularia sanctissimi à Deo ele  
cti viri merita, & virtutes, nostri exempli, eruditionisq.  
gratia à maioribus nostris introductum esse; vt dum  
oculis earum figurarum ordinem quasi praeposterum  
intueremur, mente ad altiora mysteriorum consilia  
peruenientes, sanctum, & laudabile vetus institutum,  
documentumq. agnoscereamus, & ea quae decet vene  
ratione coleremus. Si quidem constat eam pingendi  
consuetudinem in Ecclesia annos mille supra ducentos  
quinquaginta vsu receptam esse, vt ab ipsis ferē na  
scētis Ecclesiae principijs decurrisse videri possit: ea  
autem, quae tanta temporis longinquitate munita re  
periuntur, tamq. altis radicibus inualuerunt, etsi nulla  
alia

*Idem, et in ab  
sida templi  
D. Marci  
maioris.*

*Paris Crassus in  
Epistol. quidam  
ad Leonem. x.*

*Rationes autem Pan  
dis praefertur.*

**I. RATIO**  
*ab antiquitate.*



alia ratione comprobari possent, retinenda nihilominus, amplectendaq. forent: multa enim, quorum ad nos memoria nequaquam peruenit, credendum est priscis illis patribus, qui ab Apostolorum aetate recetiores multò fuerunt, non ignota fuisse. Non omnia (inquit Augustinus) quae ab Apostolis facta sunt etiā scripta inueniuntur, verumtamen facta esse ex ceteris documentis probatur. Quod & D. Ioannis Apostoli, & Euangelistae testimonio intelligitur. Id verò, quod de longaeua illa consuetudine dixi, manifestissimè probatur auctoritate doctissimi viri Petri Damiani olim Cardinalis Episcopi Hostien. qui annos ab hinc quingentos supra viginti, & amplius floruit; cuius scripta non adhuc per vulgi manus tradita, quatenus de re proposita differunt, quia admodum pia, & candida visa sunt; hoc loco placuit inferere. Eius verba haec sūt. Occurrit mihi quod ipse à me quaestione proposita saepenumero requisisti, cur videlicet in imaginibus picturarum per vniuersas adiacētes Romae prouincias, Petrus, qui primus est ad sinistram, coapostolus autem eius Paulus constituatur ad dextram, cum iuxta vulgarem sensum, hoc rerum ordo deponat, ut Petrus, qui senatus apostolici princeps est dextrum Domini latus, Paulus verò, qui iunior est sinistrum iure possideat: sed durum est valde, ut opinemur, quia tam egregiū, tamq. famosum Apostolicae dispositionis ordinem inconsultè, atq. inconsideratè deuota Deo, ac religiosa vetustas admiserit: neq. enim credendum est, ut Constan-

Epist. 108. ad  
Seleucia. um.  
le in ultimis  
sui euangeli  
verbis.

Petr. Damia  
nus ad Des.  
derium. abba  
tem.

„tinus, Imperator, immo Papa Silueſter, totq. poſt eos  
 „principes, & ſacerdotes in eccleſiaſticae diſciplinæ li-  
 „tura peruigiles, atq. ſolertes, hunc ordinem tantorum  
 „principum negligendum ducerent, ſi correptione di-  
 „gnum aliquatenus æſtimarēt. hæc Damianus. Atqui  
 non propterea non ad ſunt validiſſimæ rationes, cur  
 id ita factum demonſtretur: inter quas, non mediocriſ  
 ponderis illa eſt, quòd Paulus ab antiquiſſima ſtirpe  
 Benjamin (quod latina lingua dexterae filium ſonat)  
 originē duxerit. In eo namq. quòd Iacob ipſum duo-  
 decim filiorum ſuorum poſtremum, Benjamin, ideſt fi-  
 liū dexterae appellauit, typus Pauli præfiguratus eſt,  
 quem ſummus pater cæleſtis, licet vltimum poſt duo-  
 decim alios ad Apoſtolatum vocauerit; ei tamē dexte-  
 rae ſuae virtutem plus quodammodo, q̃ alijs imparti-  
 tus eſt; nempè fortitudinem, ſapientiam, atq. eloquen-  
 tia vim, quarum ope gentiū populos, quaſi ipſo Dei  
 præpotenti brachio ardentè ad Chriſti fidem rapuit:  
 ſicut & per Rachelem illius matrem, quae eundem Be-  
 noni, ideſt doloris ſui filium vocauit, ore prophetico  
 (vt D. Ambroſius teſtatur) demonſtratum eſt, oriturū  
 ex illius tribu Paulum, qui Eccleſiae filios perſequutio-  
 ne afficeret, & graui ipſam matrem Eccleſiam dolore  
 vexaret: quod latius, & quidem elegantiffime idem Pe-  
 trus Damianus eo in loco proſequitur in hæc verba.  
 „Ne ergo ſanctae huius hiftoriae ordo inordinatus ap-  
 „pareat, quod nobis videtur breuiter innotefcat. Paulū  
 „planè de tribu Benjamin fuiſſe, quis ambigat? Benia-  
 min

II. RATIO.  
 Ad Philipp. 3. a.

Genez. 35.

Lib. de benedict.  
 Patriarcha. cap.  
 72.



min autē Hebraicè, latinè filius dexteræ nuncupatur, «  
 Quid ergo mirum si ad dextrā constituitur, qui voca- «  
 bulum dexteræ ex paterno iure sortitur? Enimuerò, vt «  
 vetus illa beato Paulo liquidò cōgruere videatur histo- «  
 ria, non sine caussa scriptura dicit. Quia egrediēte ani- «  
 ma Rachel prè dolore, & imminente iā morte, vocauit «  
 nomen filij sui Benoni, idest filius doloris mei: pater ve- «  
 rò appellauit eum Benjamin, idest filius dexteræ. Per «  
 Rachel namq. quæ ouis vel visum principum dicitur, «  
 Ecclesia nō immeritò designatur, quæ nimirum, & ad «  
 instar ouis innocenter viuit, & per studiū contemplatio- «  
 nis ad videndum redemptoris sui speciem medullitūs «  
 inardescit. Benjamin igitur nascēte, Rachel mater emo- «  
 ritur, dum appropinquante ad lucem nouæ regenera- «  
 tionis Saulo persequutionibus Ecclesia per eum crude- «  
 liter impugnatur; sicut Lucas in actis apostolorum Sau- «  
 lus (inquit) deuastabat Ecclesiā per domos intrans, & «  
 trahens viros, ac mulieres tradebat in custodiam. Con- «  
 gruè itaq. Rachel Benoni, idest filiū doloris mei vocat, «  
 quem Iacob Benjamin, idest filiū dexteræ nuncupat: «  
 quia Paulus, qui matris Ecclesiæ dolor extitit, quiq. eā «  
 quodammodo, dum nasceretur impugnando peremit, «  
 à Deo pater filius dexteræ est vocatus, dum diuina per «  
 eū potentia aduersus gentes, quasi per fortem suam de- «  
 xterā dimicauit, verborū iacula violenter intorsit, salu- «  
 bres cordiū plagas intulit, & per eū deuictis, ac prostra- «  
 tis hostibus cū gloria triūphauit (& paulo post) Recte «  
 igitur Paulus dextri iuxta Redemptorē lateris obtinet «

A. 8. 4.

B ij dignitatem,

„ dignitatem, qui diuinæ dexteræ non ambigitur exer  
 „ cere virtutē. An non quodāmodo dexterā Dei aduer-  
 „ sus Diabolum dimicantem te fatetur esse, cum dicit.

I. Cor. 9. 13 Ego autem sic curro, nō quasi in incertum, sic pugno,  
 III. RATIO. 2 non quasi aerem verberans: hæc ille. Est & alia non  
 minus efficax illius ordinis ratio, sanctorum patrū do-  
 cumentis tradita: quia videlicet ( vt supra memoraui-  
 mus ) per dexteram potiora bona, idest spiritualia, &  
 æterna, per laeuam autem temporalia, & terrena signā-  
 tur: Vnde fit, vt Paulo qui ad cælestia regna adhuc vi-  
 uens, mortalisq. à Christo Deo immortalī iā factō post  
 gloriosam ascensionem supra humanæ naturæ condi-  
 tionem raptus est, non immeritō dexter locus tribua-  
 tur: Petrus verò, quem Christus adhuc inter mortales  
 constitutus ad apostolatū vocauit, cuiq. arcana Dei  
 nosse, vt Paulo datum non est, huius mysterij demon-  
 strandi causa, sinistrum aliquando locum retinet. id  
 quod idem Damianus ibidem luculenter expressit, in-  
 „ quiens. Huc accedit, quia Paulus ad cælum tertium  
 „ raptus ascendit, vbi etiam arcana verba, quæ homini-  
 „ bus loqui non licet audiuit: quis autem nesciat, quia  
 „ vita terrena Dei sinistram; cælestis autem significat de-  
 „ xteram: sicut sponsa dicit in canticis. Laeua eius sub  
 „ capite meo, & dextera illius amplexabitur me. Laeua  
 „ namq. esse sub capite dicitur, quia præsens vita apud  
 „ electum quemlibet, sub mente, quæ proculdubio co-  
 „ gitationum caput est, despecta calcatur; dextera vero  
 „ Dei sponsam amplectare perhibetur, quia dum fidelis,

& sancta

& sancta anima aestuanti sui creatoris igne succeditur, "  
 velut diuinis quibusdam amplexibus vndiq. confoue "  
 tur. Qui ergo carnis adhuc fragilitate circumdatus, ad "  
 caelestem vitam conscendisse cognoscitur, rectè filius "  
 dexterae nuncupatur. & reliqua. Hoc idem ferè & In- "  
 nocentius Papa iij. post ipsum innuit, dum eorum ad- "  
 ducit opinionem, qui inter Euangelistas Mattheo, & "  
 Ioanni sinistrum; Marco & Lucae dextrum locum pa- "  
 ri ratione assignant. eius sunt verba. Quidam tamen "  
 per duos annulos à sinistris Mattheum, & Ioannē acci- "  
 piunt, qui adhaeserūt domino adhuc passibili, & mor- "  
 tali: per duos à dextris Marcum, & Lucam, qui post "  
 Ascensionem adhaeserūt Christo iam facto immortalī "  
 & impassibili: per sinistram enim mortalitas, per de- "  
 xtram verò immortalitas designatur, secundum illud. "  
 Lacua eius sub capite meo &c. Propter hanc causam "  
 in picturis Ecclesiarum Paulus ad dextram, & Petrus "  
 ad sinistram Saluatoris statuitur. haec Innocentius. "  
 Quem etiam, eam picturae formam suo tempore artifi- "  
 cibus imperasse, ex vermiculato emblemate in amplis "  
 fornicibus apud maiores aras Ecclesiarū Petri, & Pau- "  
 li adhuc conspiciamus; extantq. litterae, quibus ille de- "  
 pictore sibi ob eam causam trāsmisso Venetis gratias "  
 reddit. Innocentij autem verba integrè retulit Guillel- "  
 mus Durantes: addens ex eadem causā in bullis Papae "  
 caput Pāuli à dextris crucis; Petri verò à sinistris poni. "  
 Quod & ante ipsum D. Thomas Aquinas declarauit, "  
 his verbis. Et quia praesens vita significatur per sini- "  
 stram,

*Innocentius  
 iij. In sermo.  
 de Euangelistis  
 Paulo ante fi*

*In Rational lib.  
 7. tit. 44.*

*Super Epist.  
 pri. ad Gal.*

stram, futura verò per dextram, in quantum ista est caelestis, & spiritualis, illa verò temporalis; Ideo Petrus, qui vocatus fuit à Christo adhuc in carne mortali posito, ponitur in bulla Papae in sinistra parte, Paulus verò, qui vocatus fuit à Christo iam glorificato ponitur in parte dextera. Eamdem sententiam, & recentiores approbarunt. Adducit praeterea Damianus praedictus, & alias duas eius rei significationes. Alteram quidem, quia cum Paulus onus euangelicae praedicationis ad gentes praecipue, Petrus verò ad circumcisos suscepit: utiq. Paulo, cuius meritò potissimum translata ad gentes Ecclesia, dextram apud Dominum meruit, synagoga posthabita; congruenter ipsa pars dextera assignatur. Damiani verba haec sunt. Non ergo

**III. RATIO**, immerito filius dexterae Paulus vocatur, per quem omnis gentium multitudo, quae ad dextram Dei ponenda est ad fidei sacramenta colligitur: accinctus siquidem verbo Dei, quod est gladius spiritus, hodie quoque & usque in finem saeculi dimicat, & tamquam fulminea Christi manus, vibratis caelestis eloquii gladiis rigidas resistentium Deo ceruices obruncat. Altera significatio est, quam idem aliquantò inferius exponit, dicens. Quamquam & hoc non à mysterio vacet, quod beatus Petrus Dominici lateris sinistram tenet: per illum siquidem actiua vita signatur, & sicut contemplatiua per dextram, sic actualis exprimitur per sinistram. Quòd autem per beatum Petrum praesens vita hoc est actiua figuretur, in hoc praecipue demonstratur, quod sicut euangelica

Vinold. in opere regal de pugna par. 18. si. in 4. nota. 10. de Sil. in trac. de benef. 1. par. 9. 5. nu. 71. Gorn. in c. 1. de cõfl. li. 6. nu. 37. ubi plures alios citant. Ad Gala. 2.

euangelica frequentissimè testatur historia, & Petrus  
 Dominum plus ceteris discipulis diligit, & Dominus  
 non Petro, sed Ioanni potius praerogatiua specialis  
 omnino dilectionis impendat: per Ioannem quippe  
 contemplatiua, per Petrum verò, sicut dictum est acti-  
 ua vita signatur. Quia sancti omnes in hac vita ad simi-  
 litudinem Petri Deum plus amant, & quasi minus amā-  
 tur, dum propter eum duras laboris molestias perfe-  
 runt, mortali tamen adhuc carne circumdati ad ample-  
 xus eius dulcedinem non pertingunt: illi verò, qui iā  
 cum Deo sunt in hoc eum quodāmodo minus amāt,  
 & magis amantur, dum & pro eo nullos laborum tur-  
 bines sentiunt, & tamē intimae familiaritatis eius oble-  
 ctationibus perfruuntur. Non ergo mirum si beatus  
 Petrus aliquādo partem videatur tenere sinistram, qui  
 & actiuae vitae continet ex scripturarum auctoritate si-  
 guram hactenus Damianus. Sed & si dexteram partē  
 pro honoris loco interpretemur, adhuc Petrus licet di-  
 gnitate maior, & princeps mysticè tamen in sinistra  
 Pauli apostolorum nouissimi ponitur, vt inde documē-  
 tum sumamus, summum Pontificem humilitate deco-  
 ratum esse oportere, sicut ipse Petrus fuit iuxta illud  
 Euangelicum. Qui maior vestrū est, fiat sicut minor.  
 Vnde D. Gregorius. Petrus (inquit) à Paulo minore  
 suo reprehenditur, & reprehendi nō dedignatur: qua  
 in re factus est sequens minoris sui, etiam vt in hoc pre-  
 irer, quatenus qui primus erat in apostolatus culmine,  
 esset primus, & in humilitate. Qua de re vsus inoleuit,

VI. RATIO.

Luc. 9. Matth.

23

Lib. 2. super  
 Ezechiel homi-  
 mil. 18 faci-  
 unt trad. per  
 Tho Campe.  
 de potest. Pa-  
 pa cap. 12.  
 nu. 8. in fu-

iam

*Glo. & doct. in  
proem. Decretal.*

*Gomf. in d. c. r.  
de constit. lib. 6.  
nu. 8. 9. & 10.*

*Marc. 10. gl.  
e. diaconi distin.  
93.*

iam inde ab ipso Gregorio magno introductus ut summi Pontifices seipsum seruorum seruos appellēt: quod & ipsius Pontificis nomen, iuxta Hebraicam deriuationem ostēdit, significat enim (teste D. Hieronymo) inclinationem, ut scilicet ipsi Pontifices, quamuis supra omnes mortales positi, meminerint tamen exemplo Christi, interdum de statu suo declinare, atq. adeo humiliter sese ceteris Christi fidelib<sup>9</sup> subijcere, ac subministrare: eo enim ipso, quo se humiles declarant, maiores ceteris esse dignoscuntur: eamq. potissimum ob causam crediderim in altari Sacelli Pōtificij talem ponendarum imaginum formam perpetuò obseruatam esse, ut summi Pontifices, sacris interuenientes, atq. earum figurarum ordinem saepius conspicientes, diuini illius praecepti facilius memores essent. Illud etiam nō

**VII. RATIO.**

omnino alienum videtur, ut tunc dextrum latns Paulo conuenire dicamus, cum inter ipsos apostolos, vel crucis signum, vel Saluatoris imago media interponitur: cum vero iidem apostoli, vel à lateribus gloriosae virginis, vel simpliciter, nulla inter eos imagine posita iunguntur, Petrum rectius anteponi: cui interpretationi, & mysteria, quae supra relata sunt optime quadrant: & ex verbis auctorum, quae iam recitauimus, idem illos sensisse apparet: Quāquam non perpetuò id obseruatum fuisse constet. Haec tandem ferè erant P. B. efficacissima argumenta, quibus ostenderetur, sapienter quidem à nostris maioribus diuorum apostolorum picturas ita ut dictum est dispositas fuisse: nam leuioribus



deuioribus quibusdam insistere, operepretiū nō duxi;  
cuiusmodi sunt illa, quae Cassaneus, ex Nebrissensi grā  
matico sumpta adducit, de laeua parte pro digniori  
apud antiquos habita, id potissimum in causa esse asse  
uerans, cur Petrus in sinistra, utpote honestiori parte  
locaretur: quinetiam D. Thomae de ea re sententiā,  
tot praeclarissimorum virorum vnanimi consensu re  
ceptam, de qua supra mētionem fecimus, temerē, atq.  
impudenter coarguens. Sed quam in eo ipse fallatur,  
satis iam ex supra narratis declaratū est. at verò dexte  
ram omni tempore praestantiorē esse habitā, tum  
ex sacrae paginae obseruatione docuimus; tum etiā ex  
ipsis Ethnicorū scriptis perspicuū esse potest: hi etenim,  
cum sibi Deos, hominesq. propitios esse cuperent de  
xtros illos adesse praecabantur: Quale illud Virgilij.

„ Adsis ò placidusq. iuues, & sydera caelo

Lib. 4. Aeneid.

„ Dextra feras. et Rursus

„ Et nos, & tua dexter adi pede sacra secundo.

Lib. 3. Aeneid.

Innumeraq. alia huiusmodi, quae ex antiquis poetis,  
scriptoribusq. depromi possent. Plinius quoq. dexte  
rae religionem quamdam inesse testatur. ac ne multa  
cumulem, satis id vel uno exemplo, ex Iugurthae histo  
ria à Salustio descripta, cōprobari potest. inquit enim.

Lib. 11. ca. 45.

Hiempsal qui minimus ex illis erat natura ferox, etiam  
ante ignobilitatem Iugurthae, quia materno genere  
impar erat, despiciens, dextra Adherbalem adsedit, ne  
medius ex tribus (quod apud Numidas honori duci  
tur) Iugurtha foret. Quod si fortasse obseruatum esse

Salustius de bello  
Iugur. post prin.  
66

C aliquando

66

66

66

66

aliquando dicatur, antiquitus, nobiliores, aut digniores in sinistra parte sedisse, aut ambulasse: non id continuo honoris causa, sed vel commoditatis, necessitatisq. aut nonnunquam praesidij, vel custodiae, vel etiam ob specialem loci consuetudinem euenisse censendum est: quemadmodum de Cyro legimus apud Xenophontem solitum esse cum medius in conuiuio accumberet, cum quem magis honestare cuperet ad sinistram apud se statuere, vel quod haec magis pateat insidijs, vel quia cor ab ea parte locetur, cui qui proximior sit charior esse videatur: quod & nostris quoque temporibus in usu esse apud Turcas audiuius, & in celeberrima ciuitate Bononiensi, & alibi consuetum esse didicimus, ut nequaquam dextra, vel sinistra in incessibus honori datur, sed locus tantum parieti proximior, ob deambulandi maximè commoditatem. Ex his ergo iam patere arbitror, non solum eam consuetudinem non esse vituperandam, ut effigies Pauli dextram, Petri verò laeuam partem possideat; sed summè in hoc, ut in ceteris praeceptorum sanctorum patrum ita statuentium sapientiam, iudiciumq. esse collaudandum. Verumtamen (ut nostram de ea re opinionem tandem interponamus) non utique id tam religiosè, tamque exactè seruandum esse crediderim, ut perpetuo, & ubique Petri imaginem in laeuam, Pauli in dexteram pingendam esse affirmem; sicuti nec ita dexteram Petro conuenire asseueror, ut errori tribuam, si qui vnquam aliter finxerunt, aut fingunt: quod minus quidem rectè sensisse Paridem

Crassum,



Crassum, ex his quae supra narrauimus abundè constare arbitror: sed vtrumq. morè diuersis in locis propter diuersas intelligentias, prout haecenus consueuit, conseruandum esse in posterum censemus: nihil enim inde pugnans, aut contrarium redundat: quandoquidem, vt saepius iam nominatus Damianus ait: cū Petrus ad dexteram ponitur, primatus eius, quem inter ceteros sortitus est apostolos honoratur: cum verò Paulus eiusdem dextri lateris occupat locum, Beniamin, aliaq. supranarrata mysteria repraesentantur. Ea autem cum nihil contra fidem, aut contra bonos mores, quin immo excitationem quamdam, & documentum melioris vitae contineant, constantissimè sunt retinenda, atq. approbanda D. Augustino ita docente. lib. 2. ad inquitio. lannary.  
De his, quae variè per diuersa loca obseruantur, tibi aliqua scribere non est necessarium: vna in his saluberrima regula retinenda est, vt quae non sunt contra fidem, nec contra bonos mores, & habent aliquid ad excitationem vitae melioris, vbicunq. institui videmus, vel instituta cognoscimus, non solum non improbemus, sed laudando, & imitando, sectemur, si aliquorum infirmitas non ita impedit, vt amplius detrimentum sit. Exod. c. 6.  
Nec verò recte dixerit quis alterius minui maiestatem, aut dignitatem, quòd diuerso modo, ob diuersas considerationes figuretur. Exemplum ex veteri testamento de Moyse, & Aaron in promptu est; quorum alter alteri, secundum varios sensus praeponitur. De his D. Ambrosium audiamus. Moyses ille (inquit) quo nemo lib. 1. tri. epist. 2.  
C ij praesentius



humanitas, illis quidem perillustrem locum ante eximios viros Patriarchas, Primates, atq. Episcopos, omni veneratione dignissimos tribuens, quibus alioquin praecipuus ubiq. locus iure debetur; ut eo beneficio, ac benignitate allecti, ipsi Illustres, primoresq. orbis procures, tantò libentius, Christi Dei religionem amplectantur, eiusq. Sanctissimum Vicarium omni pietate venerentur: iidem tamen, non sedentes, sed erecti ibi adstant, tamquam pro tutela, & custodia throni Póuificij parati, & vigilantes: ac ne propterea sedendo viderentur omnino ecclesiasticis, superiores esse: quos quidem licet digniores, summus Pontifex, tamquam sibi magis familiares in parte humiliori collocat. Rursus verò illi pro cinerum mysterio, piaq. adoratione crucis posteriores incedunt, ut in his saltem duobus humilitatis actibus manifestè sacerdotio cedentes, demissionem animi ostendant, verèq. se aliquando inferiores ordine fateantur. Utigitur eo, vnde digressa est ià reuertatur oratio; Nihil Petri dignitati, auctoritati, aut primatui derogatur, cum Paulo dextra tribuitur; nec Pauli mirificae electioni, sapientiae ac meritis, cum eadem Petro assignamus, sed ea utrisq. aptillimè conuenit: In quo inest mirabile inter ipsos aequalitatis mysterium. Quemadmodum enim, cum ipsum Deum patrem ad dexteram filij esse Propheta ait, diuinitatis, humanitatisq. differentiam intelligimus; cum verò filium ad dexteram patris sedere ex eodè Propheta legimus, aequalitatem diuinitatis inter patrem, & filium interpretamur:

VIII. RATIO.

De aequalitate  
inter ipsos sanctos.

Esal. 15.

Esal. 109.

Leu. 19. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

pretamur : ita etiam cum Petrū Paulo praeponimus ,  
 Pōtificiae dignitatis culmen; cum verò Paulum ad Pe-  
 tri dextram collocamus, aequalitatem gloriae, qua ob  
 aequalia merita ambo in caelis fruuntur, significari re-  
 cte dicimus; quos (vt beatus Leo inquit) gratia Dei in-  
 tantum apicem inter omnia Ecclesiae membra proue-  
 xit, vt eos in corpore, cui caput Christus est, quasi ge-  
 minum constitueret lumen oculorum . De his etiā D.  
 Ambrosius ita loquitur. Beati Petrus, & Paulus emīnēt  
 inter vniuersos apostolos, & peculiari quadam praero-  
 gatiua, praecellunt: verum inter ipsos quis cui praepo-  
 natur, incertum est, puto enim illos esse aequales meri-  
 tis, qui aequales sunt passione, & simili eos fidei deu-  
 otione vixisse, quos simul videmus ad martyrij gloriam  
 peruenisse, & reliqua . Isti sunt, vt Nicolaus Papa iij.  
 Leonem primum imitatus, scribit, per quos euangeliū  
 Romae resplenduit : isti sunt eius patres, veri q; pasto-  
 res : isti sunt, qui vno die pro merito; vno loco pro glo-  
 ria : sub vno persecutore, pro parili virtute compassi  
 urbem ipsam glorioso cruore martyrij Christo Domi-  
 no consecrarunt: isti sunt, qui illam in hanc gloriam  
 prouexerunt, vt sit gens sancta ciuitas sacerdotalis, &  
 Regia. De quorum meritis, atq; virtutibus, quae om-  
 nem loquendi superant facultatem, nihil (vt idem bea-  
 tus Leo inquit) diuersum, nihil debemus sentire discre-  
 tum, quia illos, & electio pares, & labor similes, & fi-  
 nis fecit aequales . Iure ergo optimo ipsa vrbs Roma  
 tantos principes, quorum aequaliter meritis, cum esset  
 magistra

*In sermo . de ip-  
 sis apostolis.*

*Sermo. ordo. 66.  
 et 2. q. 7. Beati.  
 Cron. Antoni.  
 tit. 6. c. 4.*


*e. fundamen-  
 ta de elect. li.  
 6. Leo Papa  
 in sermo . de  
 ipsis aposto-  
 lis. Petr. &  
 Paulo.*

*Ibidem.*


magistra erroris, facta est discipula veritatis; quos etiam  
ambos pariter pro eius commendo, & salute tantum la-  
borasse constat, ut Artilam Dei flagellum ferociter in  
ipsam urbem irruentem, etiam strictis gladijs à nephā-  
rio conatu diuinitus occurrentes expulerint: pari (in-  
quam) utrosq. honore, tot beneficiorum memor, &  
quàm gratissimo potest animo prosequitur; dignita-  
temq. utriusq. varijs in locis vicissim extollit: atq. ipsa  
apostolica sedes Romaniq. Pontifices, antiquissimum  
morem adhuc retinentes, ne maior uni, quam alteri ho-  
nos exhiberi videatur, licet Pauli faciem in dextra, Pe-  
tri verò in sinistra plumbei sigilli apponi faciant; tamē  
in ipsa diplomatum scriptura, cui idem sigillum appen-  
ditur, & aliàs quoties de iisdem mentionem fieri con-  
tingit, Petrum primò, mox Paulū nominant. nuperri-  
mè aut in Regia aula Vaticani, structurae magnificen-  
tia, & specie haud facile alteri in orbe secunda, a Paulo  
iij. olim incoepta, nunc demum tua GREGORI.  
munificentia, ac liberalitate, pulcherrimò opere, pictu-  
ris, & pauimento, illustrata, atq. perfecta, non incon-  
sultè artifices ipsorum apostolorum imagines, nō vno  
modo, sed vicissim alteram alteri cedentem finxerunt.  
Quod si tot, doctrinā, & sanctitatē conspicui patres,  
vter eorum alteri praestaret definire ausi minimè sunt,  
sed eos aequè venerandos esse statuerunt; quis id am-  
plius in contentione ponere audeat? Quare satius fue-  
rit praeclara eorum admirandaq. facta mente euolue-  
re; excelsas utriusq. virtutes, vitae innocentiam, me-  
moranda

moranda exempla, diuinaq. scripta, & praecepta ab illis nobis tradita accuratè perpendere, & contemplari; quantumq. in nobis est, vt eorum quam simillimi efficiamur conari; per signa, sacrasq. illorum imagines in gloriosae sortis eorum cogitationem ascendere, cogitando admirari, admirando humili eos corde rogare, vt nobis apud regem regum, omnium creatorè, & moderatorem suis suffragijs praesto esse velint, vt & nos aliquando tantae felicitatis consortes esse mereamur. Ac quādo huius sanctae sedis fundatores, fautoresq. semper extiterunt, eam etiam perpetuo protegere dignentur; & te GREGORIUM XIII. eorū loco nauis gubernacula, Diuino consilio, nostris tēporibus regentē, à fluctibus, procellisq. defendant, nostroq. & Reipublicae Christianae beneficio, tantū principē, & pastorē; in quo nec doctrinam, nec prudentiam, aut grauitatem morum, nec optimae mētis conscientiam, aut gubernandi peritiā, omnibusq. in rebus acquabilitatem, aut ullam deniq. uirtutem desiderare aliquis iure possit: diutissimè seruari, eorum intercessiōe, & precibus à Domino contendant.

F. I. N. I. S.







Handwritten text, likely a letter or document, written in a cursive script. The text is mostly illegible due to fading and bleed-through from the reverse side. A large, faint circular mark or stamp is visible on the right side of the page.

Handwritten text at the bottom of the page, possibly a signature or date.







Cav. G. DI GIACOMO

Autore dell'opera "L'arte e l'architettura"

244

**Gov. G. DI GIACOMO**  
Restauri del Libro Antico e Moderno  
Piazza dello Spirito Santo, 11 - Tel. 21 244  
**PESCARA**

